

31 unser vanen sint erkant,  
 daz zwêne vinger ûz der hant  
 biutet gein dem eide,  
 irne geschehe nie sô leide,  
 5 wan sît daz Isenhart lac tôt.  
 mîner vrouwen vrunt er herzen nôt.  
 sus stêt diu kûnegîn gemâl,  
 vrou Belakane, sunder twâl  
 in einen blanken samît,  
 10 gesniten von swarzer varwe, sît  
 daz wir diu wâpen kuren an in.  
 ir triwe an jâmer hât gewin.  
 die stecken ob den porten hôch.  
 vor die andern âhte uns suochet noch  
 15 des stolzen Vridebrandes her,  
 die getouften von über mer.  
 ieslîcher porte ein vürste pfliget,  
 der sich strîtes ûz bewiget  
 mit sîner baniere.  
 20 Wir haben Gaschiere  
 gefangen einen grâven ab.  
 der biutet uns vil grôze hab.  
 der ist Kayletes swester sun.  
 swaz uns der nû mac getuon,  
 25 daz muoz ie dirre gelten.  
 sölch gelücke kumt uns selten.  
**G**rüenes angers lützel, sandes  
 wol drîzec poinder landes  
 ist zir gezelten vome graben.  
 30 dâ wirt vil manec tjost erhaben.«

s. bekant, \*G (ohne Fr29) \*T

bietent (Bedüdet L) \*G (nur GO)

geschæhe (geschach O L) \*G

daz om. \*T Z

m. vr. vuoget (Mier frvmt O) er ([ez]: er G) herzenôt. \*G (nur G) · ↓\*T

sô st. \*G

einem \*G \*T

nâch sw. v., \*T

suochent \*T (nur T) (O Z Fr29)

des kûenen (kvniges L) Fridebrandes her, \*G \*T

der sich st. (strites sich U) ouch b. \*T

a. wênic, \*G

\*D: D \*m: m \*G: G O L Z Fr29 (31.1–20) \*T: T U V

1 Initiale O Fr29 20 Majuskel D 27 Initiale D L Z · Majuskel T

6 der vrouwen vrunt ir herze nôt (Jr herze ir vrînt vil manige not U [\*]: Miner vröwen frömete er not V) \*T 11 kuren] kennen \*m 22 biutet] bivten D 25 muoz] muoz uns \*m 27 Grüenes] rînes D 28 poinder] poinders \*m